



TTiPi - TTAPA

1989ko EKAINA

27. ALEA



BERRIAK

- 2.- Bera
4.- Lesaka
6.- Etxalar
7.- Igantzi
8.- Goizueta
9.- Zugarramurdi
12.- Ituren
13.- Zubietza
16.- Leitza
18.- Sara

ARTIKULUAK, IPUINAK, ...

- 20.- Gu Ttipi-Ttapa, eta zu?
- 22.- Endara
- 24.- Nekazalturismoa
- 27.- Donezteben aste kulturala, noiz?
- 28.- Bortzirietako zabortegia
- 30.- Bortzirietako Euskara Mankomunitatea
- 33.- Ikastaroak
- 34.- Iraingo apaiz gaztearen kantutegi zaharra
- 36.- Nork defendatuko ditu gure ikastola ttikiak
- 38.- KORRIKA 6
- 40.- Josetxiki
- 44.- Inguru giroa Bortzirietan
- 46.- Komikia
- 48.- Nafarroako Bertsolari Txapelketa



BERA

JUBILATUEN BESTA.

Apirilaren 9an ospatu zuten guraso, osabaizeba eta gainontzekoek beraien eguna. Eguerdiko hamabietan meza eta apezaren sermoia aditu ondoren bazkari ederra Ansona jaiztean: itxaski paella, bildotsa erria ensaladarekin, etxean egindako kopa, txanpaina, kafea, kopa, puroa eta xigarrotxoak. Ederki hornitu eta gero dantzaldia Sein akordionistaren eskutik.


Eta hantxe ibili ziren dantza eta dantza gure "martxosoak" hogei urteko gazteak bailitzan.

JURA.

Juraren arazoak direla eta Matxan errekatik hartzeko asmoz egin beharrezko lanen proiektua presatatu da. Proiektu honek ia 233 milioiko aurrekontua du, horren % 90a Nafarroako Gobernuak ordainduko dielarik eta gainontzeko % 10a Udaletxeak. Ur hau, karreteraraino jaitsiz, Bidasoa kalean zehar azera azpitik joanen da, eta azera hau arronte hondaturik dagoenez, tuberia sartu ahala, berritu egingen dute. Ondoren, "Estankoko curva" pasa eta, Udaletxeko plazaraino igoko da eta handik Ezpondakobordako depositoraino. Lan hauek aurtengo hasierara eta honela 25 urtetako horridura izango dela uste da.

SALAKETA.-

Zentralen ur hartzea dela eta Bidasoa ibaiaren ur eskasia salatu dute Arrantzale eta Ehiztarien Elkarteak eta Izokinen Kofradiak ere. Bidasoa, Euskal Herriko ibai izokidun bakarra, inoiz baino ur guttiagorekin zetorren, euri urte zela eta. Nahiz eta izokiak erraztutako jartzen ari, zentralen ura hartzen jarraitu dute. Berako Udala salaketaren alde ebatzaldi zen.



Bidasoa ibaia.

KORRIKA.-

Apirilaren 14tik 15eko goizaldean ailegatu zen korrika gure herri- ra. Gure Txokoa Elkartean txokolatua eta boiloak gosaltu ondoren Endaltsa aldera abiatu zen, nahiz eta bakar batzuk lo egitera alde egin zuten.

GREBA.-

Apirilaren 19 eta 20an Lanbide Eskolako ikasleek greba egin zuten. Greba honen arrazoia lantegitan praktikak egiteko moduarekin ados ez egotea da. Eskolak kontrato bat sinatzen du lantegi

batzurekin zenbait ikasleek bertan praktikak egin ditzaten. Ikasleek diotenez lantegiak honetaz probexten dire, honela esku lan merkea lortuz.

BIDAIA.-

Apirilaren 25ean eta 26an Arkupeko kideek bidai bat egin zuten. Lehendabiziko egunean Baztan eta Etxalarkoak joan ziren. Bigarren, berriz Arantza, Igantzi, Bera, Doneztebe eta Sunbilla, bi egunez 350 bat lagun. Bidaian Hendaia, Donibane Lohitzune, Mia-

LESAKA

BETI GAZTEKO NESKAK AURRERA JARRAITZEKO ASMOTAN

Duela urte bat sortu zen Lesakan, futboleko jokatzen neskak osatutako futbol talde bat. Hamabostez hain zuzen ere. Denak hamasei eta hogeitaz bi tarte-koak. "Gure artean hagitz giro ona dago, ziur beste taldeetan ez dagoela gure artean aurkitzen den xaltza", nahiz eta partidu bat 10 eta 0 galdu, hoberena, afaria egitea da; eta afaria egiteko arrazoiaren bat behar badugu, 12 gol ez digutela sartu izanen da; honelakoa da guk eramaten dugun filosofia.

Aurten partidu ugari jokatu ditugu: Gipuzkoako liga, (Gipuzkoako) kopa eta orain beste partiduren bat.

Jendeak oso txarrak garela er-raten du, baina nik uste dut hori ez da egia, gertatzen dena zera da: oso zorte txarra daukagula eta golak hagitz erraz sartzen dizkigutela. Hala ere, urte guztian bi partidu irabazi ditugu: "Okendo" (Mondragon), 3-1 eta "Urki"-ren aurka (Eibar) 4-1 etxean. Kanpoan ere partidu batean, Urkiren aurka hain zuzen bana berdindu genuen.

Gol gehien sartu dizkigutenak, "Oizartun" goak eta "Añorga" koak dira; ez da harritzekoa, izan ere talde hauek urte asko bait daramatzate futboleko, eta gu berriz hasi berriak.

Azken denboraldian batzuk taldea utzi dutela ere aipatu beharra da. Gure taldean ere, baita profesionaletan bezala, halako gauzak gertatzen bait dira. Arrazoi hau dela eta, taldea desagertzekotan ibili da, baina aurrera jarraitu nahi genuenak, gogor eginez segitu egin dugu. Klasifikazioari degokionez gu-



Beti Gazteko neskak.

re taldean, 5 taldetik, 4. gelditu gara. Lehengo urtean azkenekoak gelditu ginen eta aurten azken-urrekoak.

Oraingoz, hurrengo urtean ere jarraitzeko asmoa dugu, gainera Beti-Gazteko batzordeak lagunduko digula esan digu, arazo bakarra jokalaria eskasia da. Baina ikusiko duzue, aurrera jarraituko dugu eta gainera klasifikazioan lehenengo postuetan geldituko gara. Aupa neskak!

"IDRISKO AULKITIK" "FONDOS RESERVADOS" era.

Hauxe da Lesakako folk-rock taldeak egin duen aldaketa bat -izenarena alegia- baina ez bakarra, gitarra jotzen zuen Etxart "Zenzerrok" taldera joan bait zen.

Talde honen partaideak ondoko hauek dira: Bantxi, bateria jotzen duena; Isidro, bajoa; Iñigo, gitarra eta armonika; eta Kapu teklak eta ahotsa.

Dagoeneko, Lesakan kontzertu pare bat eman dituzte, Baita bi kantaz osatutako maketa bat grabatu ere.

Izen berriarekin hasi zirenez geroztik, hiru abesti sortu dituzte. Heurek egiten duten Musi-

ka "lasaia, eta bertzeek egiten" ez duten modukoa da" Kapuren eritziz.

Aipatzekoa baita, entsaiatzeko lokal falta, bertzerik ezean borda baten egitera beharturik daude eta.

ARRANO MENDI TALDEA

Duela denbora gutti (hiru hilabete eskas), sortutako taldea dugu hau Martxoaren bortzean egin baizuen bere lehenengo ateraldia, Kopakarrira, hain zuzen ere.

Hasieratik jende aunitz elkar-tu zen igande goizetan inguruko mendiak ezagutu edo hobeki erranda, oinez ezagutzeko. Bide bat, kirola eginez. Bertze batzuek hiru edo lau igande gero-ago hasi ginen, larunbata gaue-tan etxean gelditzen ez gaude ohituta eta.

Hauetxek dira orain arte egin-dako irteerak:

- Martxoak 5, Kopakarri
- Martxoak 12, Otxango-Nabaz
- Martxoak 19, Sastrin-Hiruburu-ta
- Apirilak 2, Bianditz
- Apirilak 9, Sastrin-Igantzi
- Apirilak 16, Larun



Lesaka.

Proposamen gisa, lehendabizikoa Hitzarmenean dauden konzeptuak zabaltzea izango litzake. Orain matrikula eta liburuak besterik ez da ordaintzen.

Enpresak "sobera" dagoela erraten duen diru kopuru horren euskararen aldeko erabilpena eman lekiok aisa, adibidez :
- Kontzientziario kanpainak egiten.

- Euskal liburuz osatutako liburutegi bat antolatzea, langileek erabiltzeko.

- Itzultzaile bat kontratatuz, beharrezkoa bait da.

- Lantegiko langileen seme-alabei euskara ikasteko laguntzak emanaz, bekekin egiten duen bezala.

- ...

Aipatutako proposamen hauek

aurtengo Hitzarmenean sartzea erabaki da, Enpresarekin negoziatzeko.

Eta besterik gabe, euskara eta euskal kulturaren aurrerapenaren alde bazaude, dei berezi bat egin nahi dizugu sortu berria den talde honetan zure lana eta aportazioak egiteko :

LANTEGIKO EUSKARAREN ALDEKO TALDEA.

ETXALAR

ZAHAR ETXEA

Zaharrak ugaritzen ari dira. Bizia luzatzen doa, jendea urte gehiagoz bizi da, eta adin haundikoak, ondorioz, gehiago dira. Eta gehiago izanez, zerbitzu ugariago behar, eta zerbitzu egokiagoak. Zaharren lehengo bizitza

planteiamendua, arina eta eskasa bilakatu da gaur: Etxean, familian bizi, eta hori ez izanik, asilora. Eta horrek berekin daramana: herria utzi, bere bizilekutik urrundu, ezezagunen artean sartu, etab.

Halabeharrez bada, hala behar-

ko. Eta horrela ez denean? Hau da: jende bat ezindua gelditzen denean, asilo edo ospitalea bere bizilekua izatea nahitaezkoa da, etxean aski laguntza biderik ez badauka. Baina zergatik kanpoko asilo batetara joan, bere buruaren jabe dena, jan eta atseden lekurik ez duelako edota etxe-ko bakardadeak menperatzen duela-

Lehen herriko ospitalea izanda-ko etxean, jan eta lo egiteko bidea izanen dute, kanpora joan gabe, etxe gabe edota bakarrik aurkitzen diren zaharrak; hori da Udalaren proiektua. Zaharrak, edo gazte izanak behinipehin, eta norbaiten laguntzaren beharra sumatzen dutenak. Txalogarria egitan iniziatiba hori. Arrunt ezindua eta bakarrik gelditzen denarentzat, Lesaka edo Berako asiloan lekua segurtatu ere egingo da.



KORRIKA 6

Aurten Korrika eskualde honetatik igaro zaigu eta pasatu den bezala hagitx ongi aterri da. Egitan eskergarria izan da jendearen parte hartzea, ze jende aunitzek parte hartu du eta herri guzietan gainera. IHANTZIKoak ere, zintzo zintzo agertu ziren erran zen ordurako uste genuen baino jende gehiago gainera.

Zerbait erran nahi du horrek,
euskalzaleak ugaritzen goazela.



GOIZUETA

Aurreko TTPI TTAPAn kezkaturik azaltzen baginen ere, Eskolako akatsak zirela eta. Egun egoera badirudi, zerbait aldatu dela. Nafar Gobernuak gastuen kargu egin nahi ez bazuen ere. Hezkuntza Ministaritzak hamabi miloi agindu ditu birmoldaketarako. Diru honi, lau miloi kendu behar zaizkio proiektuarentzat, BEZ, eta Enpresaren honorarioentzat.

Gelditzen den diru horrekin, gastu guztiak ez estali arren; Hezkuntz Ministaritzak, falta dena konpondu edo moldatzeko borondatea ere azaldu omen du.

BERTSO PAPER LEHIAKETA

Goizuetan sortu berria den Euskara Batzorde Herritarrek, bertso paper lehiaketa bat antolatu du; bertso hauek martxoaren 18rako idatziak egon behar dutelarik. Partehartzaileak, herritarrek

izan behar dute. Hiru mailatan sailkaturik dago lana. Lehenengoa, eskola maila. Bigarrena 14-18 urte aurten betetzen dituztenak eta azkenik 19 urtetik gorakoak. Bertso kopurua 4,6,8,da, gaia librean.

Euskara Batzorde honen helburua honako hau da:

- Euskararekiko errealitateari dagokion kontzientzia sortu.
- Jendeari euskararen egoera azaldu.
- Herria kontzientziatu.

ARAU SUBSIDIARIOAK

Martxoaren 9ko batzarre arruntan Udalak N.N.S.S.en aprobazio iniziala egin zuen aho batez.

Hilabete batez, erakusketa publikoa izango da. Denbora honetan lan hau egin duten Arkitektoak

eta Aparejadorea etorriko dira edonork dauzkan zalantzak edo kezkak argitzera eta komentatzera. Ondoren aprobazio probisionala egingen da, azken pausoa definitiboa izango delarik.

HERRI BATASUNAREN MOZIOA.-

Urtarrilaren 20ko batzarre arruntan Herri Batasunak mozio hau aurkeztu zuen:

Goizuetako Herri Batasuna Udaltaldeak, herriko osasun zerbitzuak izan dituzten aldagetak ikusirik eta erabat kezkaturik, hauxe adierazi nahi dizugu:

1. Nafarroako Gobernuak, Osasun zonifikazioaren Legea onartu zuela eta orain Leitzeko Zona Basikoan aplikatu duela Goizueta barranean dagoelarik.

2. Lege horretan azaltzen denez, Goizueta baldintza bereziko herri bat da baina errealitatea ez da berdina, zeren berezitasun horiek ez dira agertzen.



3. Lege hori aplikatzen hasiz geroztik, benetako arazo bat sortu dela Goizuetarron artean, hau da: Arratsaldeko 3etatik goizeko 8etara ez mediku, ez erizain gelditzen garena eta horrek ekar dezakeen ondorioak larriak izan daitezkeela, zeren herritarren bizia jokuan jartzen bait du. Beraz, Goizuetako egoera larri hau kontutan harturik, Alkate jaun horri zera eskatzen dizugu:

1. Nafarroako Gobernuari behar den planifikazio bat egitea eska diezaion, Goizuetako herriak egunak dituen 24 ordutan mediku bat

bertan eduki dezan, eta beste hainbat hobekuntza aplika dezala herritar guztion osasunak benetakoatentzia izan dezan.

2. Ahal den modurik hoberenean, eta ahalik eta lehenen asanblada bat antola dezagun gaurko Osasun Zentroaren funtzionamendu eta osasunarekin lotuak dauden beste zenbait gaiari buruz informazio zehatz bat eman dezazun herritar guztioi.

Mozio hau aurkeztu eta handik aste batera, Leitzako Osasun Zentroan bildu ziren bertako sendagile eta erizainak Goizuetako

partaide batzuekin eta Eskualde honetako Osasun Zerbitzuko arduradunarekin.

Gaia asko eztabaidatu ondoren, hemen 24 orduak sendagile edo erizainekin beteak egotea esijitu zen. Hainbeste insistitu zen, heuren borondatea azaldu zuten, baina oso argi utziz, legalki ez dutela hutsune hori bete beharrik.

Legeak, langile hauen eskubideak ditu, eta ez, legeak markatzen duen ordutatik kanpo gaixotzen denari zerbaite gertatuz gero.

ARGI DAUKAGU!

ZUGARRAMURDI

JATETXEETAN

Herriko hiru jatetxeetan Sanitateko inspektorearen ondotik obrak egin beharrean daude.

Gaur egun afera hau gogor eramanen da eta orain edo gero ez da nehor libratzen. Baina beharrezkoa den gauza da, hori bai.

Duela urte pare bat edo hola, harategietan ibili ziren halakotan: zurezko mahaiak alumniozkoak behar zituztela, grifoak bertze gisakoak (besoekin edekitzeko modukoak, eskuxukatzeko haize aparailu... Eta orain, erraiten dugun bezala, jatetxei tokatu zaie.

Altzatenean Martxoaren erdirakoz ia bukatuak zituzten lanak (ate bat edeki, azulejatu, eta gutxi gehiago). Herrikoetxean eta Errotaxarreko bordan oraindik ez dire hasiak bainan uda ailegatu baino lehen egiteko asmoarekin daude.

Palazioan berriz, ez da Sanitateko aferaren gatik bainan, obrak egiten hasiak dire ere. Hemen paretetako harriak kanpora atera behar omen dituzte.

INAUTERITAN

Otsailaren 5,6 eta 7an inauteriak ospatu ditugu. Herri ttiki gehienetan bezala, Zugarramurdiko inauteriak ez dire eskea, akordiona eta afaria baizik. Batez ere gazteen besta bat da, berek bakarrik direlako parte hartzen dutenak (haurrak ahortzi gabe, hauek ere eskean eta bere txistu musikarekin ibiltzen dire eta). Hauetatik aparte bertze herrietarrendako inauteria zerbaite holatsu da:

etxekoandrea sukaldean delarik adituko du zerbaite musika eta irrintzi bezalakoa eta segidoan PandaPanda !! etxeko atean norbaitek jotzen; orduan hartuko ditu lehendik prestatutako ardo eta bixkotzak eta atarirat aterako da (ausarta balin bada ateak

zabalduko ditu eta sukalderaino pasaraziko ditu jende multzo guttia), etxeko zakurra saingaka hasiko da, katua zalapartaka gordetuko da eta baharbada amatxi edo aita ere handik edo hemendik hurbilduko dire; solas batzuk, trago batzuk, jota dantzatu, korneta jo, eta aire... heldu den urteraino. Gero arratsean beharbada afalondotik batzuk agertuko dire Herrikoetxerat edo Altzatenerat kafea hartzera, ia zer giro ikusten den edo baita ere vals bat edo dantzatzera.

Hauek dire gehien inauteriak, bainan gazteek segituko dute moztortzen ahal duten bezala, Pedrok eta Xotak prestatuko dituzte kotxe eta kamion eleganteak gorputzak sobera ez sofritzeko, ez du importa 24 orduren buruan kotxe gaixoa oliorik gabe gelditu eta su hartzea, kamionak ere suerte hobeagorik ez du izanen, palierra hautsi eta hantxe, ez aintzina eta ez gibela geldituz

Berdin da, inauterietan gaude eta inor ez da apuratzen holako-



en^ugatik. Esan behar dugu ere aurten AnsonekoBordako Joxean-gel, gure akordiolaria, arras animatu eta martxosoa harrapatu dugula, organillo berriarekin, bertsoak botatzen eta baita ere dantza berriak erakutsi dizkigu.

EZ DAKIT ZER PASATZEN DEN AZKEN ALDI HUNTAN jendea hasi dela paseatzen gauetan... Kantuak erraten duen bezala, zerbaite omen da. Hala diote beti; eta ez gara sorginkeriari buruz ari, ez, baina gauzez eta ixilka ibiltzeko afera da hau ere.

Normalki ez da nehor enteratzen, baina lehengo aldian animaleko animazionea sumatu omen zen. Goizeko 5,30ak aldean Bente tako bidetik heldurik, behitiko karrikan agertu omen zen furrin-daka kokoen landrover bat, freno-bat eman eta Joxeri Iriartetik ateratzen ari zelarik, galdetu zioten ia kamion bat pasatzen ikusi zuen edo ez, Joxek, ezetz erantzun zien, ez zuela deusik ikusi.

Bitartean, bilatzen zuten kamion hura, Goiburuko aldean barna txoko batean gordetua zegoen, beste kamionak berriz, Martineko aldean barna berdin gordetuta zegoenak, problema gehiago izan zituen gero handik ateratzerakoan kunetan sartu zitzaizkion arruda eta Danda!! irauli egin zen bere aretxe guztiak izituak Muuuu!!! egiten zutelarik. Lasailasai traktore bat ekarrerazi, harekin kamiona zutitu, eta hemen ez da deus gertatu.

Hori bai kokoak konformatu izanen ziren 12 aretxe harrapatu eta, baina seguraski ez ziren hain konforme gelditu izanen handik egun batzuren buruan hirugarren subastan, 12 aretxe haiek 24.000 pezetetan saldu zirelarik.

GAU PASA

Aurten ere, joan diren bortz urte hauetan bezala antolatzen ari gara ekainaren 24ean akelarre gau-pasa egiteko.

Gauza berririk ez da izanen eta lehendik besta hau ezagutzen duzuenak badakizue zer den: leze barnean jartzen dire bi ostatu, edari, ogitarteko, salda eta kafea zerbitzatzeko; "minxoriak" orkestra kisu-labe gainetik musika jo eta jo arituko da; gaueko momentu batean argi guztiak itzaliko dire eta sorginak suaren inguruan agertuko dire; gero eskalera beheiti, beren antortxekin argituz Iturengo zantantzarek sorginak aizkatuko dituzte. Eta holaxe gauak aurrera segituko du bakotxaren gorputzak edo animoak iraun arte.

HERRIKO-ETXEA

Bost urtero herriko-etxea edo "posada", udaletxeak subastan ateratzen du ostatu eta jatetxe-ko negozioa eremateko.

Martxoan atera zen subastaren abisoa eta haren kondizione ekonomiko bat 1.000 pezeta egunean ordaintzea zen. Kantitate hortatik gora egin behar ziren proposak.

Eta bi proposa bakarrik

ITUREN

Epa TTIPI-TTAParen irakurleok, orain irakurriko dituzuen albisteak Iturengoak dira eta azken hilabete hauetan gertatutakoak hain zuzen ere.

AURTIZKO OSTATUKO OBRAK

Orain dela gutxi hasiak badira ere, dagoeneko lan ugari eginga da lko pisuan, Maitzan jatetxea egitea espero da.

SUBASTA:

Hiru kabi-Ontzaleku alderdie-tako pinua subastara atera zen, subasta honetan 6 egur-enpresak hartu zuten parte eta esan beharrekoa da lehenengo lotean irte-erako prezioetik 300.000 pezeta goitu zela eta hau "Papelera Española" enpresak eramane zuela. Bigarrena berriz "Explotaciones Erkizia"k eramane zuen, eta irte-erako prezioetik 1.000.000 bat goratu zen.

LOSA-ARROBETXAMENDUA:

Beste aldetik esan behar da Kaprio alderdiko harrobian losa ateratzen hasi behar dutela. Dokumentazioa udaletxearen eskutan dago eta Nafarroako Gobernuan tramitatzen ari da kasu hau.

HIRURTEKO PLANA:

Hirurteko planaren barruan Nafarroako gobernua aurtengo orain aipatuko ditudan laguntzak eman ditu:

- Aurtizko auzoan, 2.000.000 ur kaptaziorako.
- Lasagarako, 4.000.000 ur kaptaziorako eta,



Mendaurko urtegia.

- Iturenerako, 2.000.000 desaguk hobetzeko.

Hurrengo urterako berriz, haue-txek:

- Hiru auzoen elektrifikazioa 45.000.000

1991. urterako berriz:


- Karriketako argiaren berrikun-tza 15.000.000
- Udaletxearen obrendako 15.000.000
- Baserrietarako bideentzat 20.000.000

ARAU SUBSIDIARIOAK:

Maiatzaren 6an egin zen pleno orokorrean idazlari ekipoa eta Udalaren Gobernu komitea juntatu ziren eta arau subsidiarioek garatzen hasia erabaki zuten.

AURTIZKO DEPOSITUAREN GARBIKETA

Nafarroako Gobernuak Aurtizko ura zikina zegoela notifikatu zion udalari, eta honen ondorioz



Iturengo eliza.

Apirilaren 23an Aurtizko deposi-
tuan auzolana egin zen.

EUSKAL TELEBISTA-2:

Apirilaren 8an, Iturengo uda-
lak, Iturenen ETB-2 jartzeko
erabakia hartu zuen inguruko
beste herriei batera.

TRINTATE EGUNA:

Maiatzaren 21ean Trintate
eguna ospatuko da.

Aurten berrikuntzaren 26. ur-
teurrena da eta jende ugari es-
pero da.

Ekintza hauek izanen dira:

- larunbatean akanpada
- Igandean Mendaurrera ibilal-
dia, meza eta arratsaldean Musi-
ka, "ARITZA" taldearekin.

KORRIKA TTIKI:

Iturenen Korrika ttikia egin
zen eta bertan, Zubietako hau-
rrek ere parte hartu zuten. On-
doren Herriko Ostatuan txokola-



Iturendarrak Mendaur egunean.

tada eta antzerkia izan zuten.

AEK IKASTAROAK:

Iturenen uztaila eta abuztuan
AEK-k ikastaro batzuk emanen
ditu. Ikastaro hauek, trinkoak

edo intentsiboak izanen dira.
Bi izanen dira eta bakoitzak
30 pertsona bilduko ditu. Ikas-
leek goizez klasea emanen dute
eta arratsaldean 6etatik antzine-
ra nekazariekin praktikatzen
ihardunen dute.

ZUBIETA

Aurreko txandan bertso batzuk
izan ziren, eta oraingo honetan
ere agertuko dira, besteak be-
zain txarrak.

Herriak betiko martxan jarrai-
tzen du, eguneroko gauzetan.
Gezurra badirudi ere, Euskal
Telebista ikusten da, tartekal!
Urarena bukatzeko punttu punttu-
an dago, apirila edo maiatzare-
kin batera... Depuradora ere
egin digute. Kristorena! Bi pis-
zina hainekoa. Orain, dirua
lortzeko modua pentsatu behar
izanen da, aspaldiko kezka bait
da. Turismoa poliki poliki sar-
tzen ari bait da, eta ez dakigu
nora eramanen gaituen.

Ayuntamentuaren ekintzek sor-


tzen dituzten gorabeherak ere
aipagarriak dira. Bertan aritzen
dena epaile txarra baldin bada
ere, eta hori da nire kasua;
hoberena besteren batek toki
hau hartzea izanen litzatekeela
uste dut. Beraz, bakarren bat
animatzen bada, postua berea
dela jakin dezala. Hor doa ba-
da eskaintza. Idaztea bada pro-
blema lagunduko diot ahal dudan
neurrian.

Eta bestela, egunerokoak ez
diren nobedade, fenomeno eta
gertaera bitxirik ez da gertatu,
zurrumurruen arlokoa ez dena,
alegia.


Joan den aldian hasitako bertso-
ei jarraipena eman diezaiogun



Iritsi ziren, aspaldi xamar,
espero ziren isunak
izen horrekin deitzen dituzte
ezautzen diraden multak
Etxekekuk hartu omen zuten
itsusi eta handiena
berrogeitamar mila durutan
bihotzaren pozgarria!
lanari berriz lotu beharko
ohizko duten bezala.
Tikiagoak izan omen ziren,
beste hiruek hartukoak
lau sosa edo,...antzekoa baita!
hamar milakoa, durotan.



Jesus, Mari eta Joxepantonil
norantz abiatu gara?
Hau ote dugu pake giroa?
herriko ezaugarria !
Solastu aisa egiten da
ejkintzetan arazoa,
ekin ta ekin, beti saiatu
Badugu zer kontatua:
azken aldiotan, sobera lana,
onik behinere ezin topal
Parte naizenez, gaizki legoke,
baina, ze arraiol bota beharra,
borondate osoa dut ona.



Sartu banintzen, sartu nitzaden,
esaten zidan lagun hark:
kaso eman zak, gizon tontua,
ez hartu horrelako lana!

Neronek ere ez dut jakinen
 zertaz izan nintzen sorra
 sartu ginaden udaletxean
 atetze eguna, non da?
 ez naiz damutzen,
 ezta nahi ere nahi
 mutur beltzak, inguruan.

Ezagun bat, emakumeak,
ondarrian, lagun zena
benetan ez nuela nik espero
hain itxurazko arrakasta

Behin ta betiko, nire babestzat!
inoren kaltea ez dut nahi!
bainan itxuraz ez dugu lortzen
guztien adostasuna.

Guztiz normala iduritzen zait,
ulertezina dudana
ezta horrenbeste hala izatea
nola haserre gogua
zeren gogua nabarmen dago
agertuko dut kasuan.

Batzarre batean esan genuen
nola ari ginen, herrian,
konturatzeko eta poliki,
kaleak galdu arriskuan.

Altxatu ziren aurkako ahotsak,
bakoitzak bere arrazoa,
hala eta guztiz, azken finean,
erabakia hartu beharra.

Aukera ez zen oso zabala,
partikular edo herria,
edo gehienek, suertatzen bazen,
hori nahiago zutela
izanen zela, gure idurin,
ibiltzerik ez izatea.

Mugarriak, kotxeak eta egurrak,
zirela arazo larriak
eta lekutzea zen, guretzat,
zegoen irtenbidea.

Pauso guztiak eman ondoren,
legalitatez jantziak
kenduak dira harriak eta
orain dator haserrea.

Sutu egin dira batzuek eta
hemen da, neretzat, koxkal
bizitzen dute egindakoa
bere aurka egina bezala
inolaz ere ez dute onartzen
ikuspegi jenerala.

Ondo edo gaizki egin duguna
ez zen GURETZAT premia
baizik denentzat egina dena,
batena ez izaitia.


Hortxe dirade tribunalak
hara eraman auzia,
ukatzen dela gure iritzia?
zurea da arrazoiak

Egia bada gaizki egina dela
 lortuko duzu agertzea,
 udaletxeak jarriko dizu
 zuk nahi duzun harri haina.
 Hori al duzu neri ukatzeko
 eguneroko agurra?

Tira, tira. Bazter dezagun pena
eta espero dezagun ,poza eta...
eguraldi ona, besterik ez bada
alaitasuna ere.

Joan dira, berriz ere, menditar batzuek, berehalaxe hemen dira. Besta presta dezagun, gibela zain dezagun! Gibela eta poltsi-koa, orain dela gutxi gertatuta-koa berriro ere gerta ez dadin. Beno, ez hain gutti, inoteen ondarreko egunak bait ziren. Harat eta honat, gaua ezin amaitu genbiltzala, nora joaterik ezin topa... Tafallara? Tira, besterik ez badal joaldunak ere joan behar zuten... han elkar-tzeko asmotan, hiru lagun abiatu ziren goizeko seiak aldera. Etortzea izan zen zailena, erreskatea izan bait zen gutxi-enezko baldintza. Iragana joan da eta, gatoz gaurko egunera.

Noiz behinka bakarrik, baina, tarteka berri txarrak ere eman behar dira, gure gogoaren aurka. Ezaguna dugu sua, batzutan lagun eta besteetan etsai... . Kontrola ezina suertatzen denean... zein deabrua!



Otsondoko borda batean ari zirela, suak hartu zuen inguru guztia, erraustu arte. Juanmari Batista eta Joxe Antonio izan ziren azidentatuak. Hauek ez dute deus txarrik hartu, diru kalteak ez badira. Ikaria, kristorena, butano bombonak zerurantz joan bait ziren. Eta dirua beti jaungoiko dugu, baina, nola edo hala moldatu daitekeena. Dirurik behar badute auzolanari ekin dezaiozun, ea arazo horretan ere Udaletxeak ematen duen adibidea.

Noiz etorriko da gure jubila-
zioaren garaia? Zeren, ni paper
tarteetan ari naizen bitartean,
hor dabilta Zubietako jubilatutako
gehieneak, jo eta ke dantzan.

Eta jubilazioaz ari garenez gero
Udalaren aurka direnentzat, ba-
da berri ona; laister Malderre-
keko guztiek Donezturen menpe
egonen garela diote, hangoak
jakinen omen du gure tratu erge-
lak konpontzen!

LEITZA

LEITZEKO XI. KULTUR ASTEA

Hau idazten ari garela, denbora zein azkar pasatzen den, ohar-tzen ari gara. Aurtengoa, XI. kultur Aste dagoeneko. Hamaikagarrren aldia, saioa, edizioa,... Hau dun/duk marka, hau!! Haserako urteak pasata eta honen mairtxaz gehiago jabetu ginen garaian, X. Astera iristea jarri genuen muga, helmuga hobe. Hona ailegatu eta aurrera jarraitzen dugu oraindik ere.

Aspaldi hartan Ikastolak hartu zuen antolaketaren ardura eta orduan finkatu ziren helburuek bizirik diraute. Haiek, bitan

banatuko ditugu. Herriari kultur mailako zenbait ekitaldi eskeintzea, zortzi, bederatzi egunetako "aste" batetan kokatuz litzateke alde batetik eta bestetik lan hau burutzeko herriko talde gehienek elkarrekin lan eginez ardura har dezaten. Maila ezberdinetan izanik ere talde askok mantetzen dute horrelako programaketa. Luze xamar gertatuko litzateke dendenak aipatzea, baina honek berak askoren artean eta denentzat antolaturik dagoela esan dezakegu.

"Ekintza asko eta aldakorrak direnez, pertsonalki jende dexente eta hainbat talde edo erakunde dira parte hartzen dutenak. Jende asko pasa da eta jende asko dago. Paper eta ordu asko bete dira eta asko dira betetzear daudenak. Erresponsabilitate handi-

ak hartuz segitzen dugu. Dena dela pena merezi duela badakigu, emaitza baikorra ageri zai- gulako.

Dena den horrelakoetan, diru gaia nahi gabe ere, berehala azaltzen zaigu. Diputaziokoa den "Principe de Viana" delakoak, zenbait ekintza babesten du. Hortaz aparte asko da presupuesto guzia betetzeko falta dena. Eta hemen aipagarri herriko tabernek, Aurrezki kutxek, Eskolak, Ikastolak, zenbait elkartek,... ematen dutena. Hala ere falta dena, sarrrera kobratuz betetzen saiatzen gera.

Eskemari buruz, azkeneko urte hauetan, aldatzea, berritzea,... proposatu arren, berdintsua mantendu dela esan beharra dago. Egokiena ote da?.. Hortxe dago eta aurrera berarekin....





Egitaraua aztertzen badugu, alde batetik aste bukaerak ikusi beharko genituzke. Bietako batean Iparralde Eguna ospatzen da. Aurten VIII.a egiten delarik. Politikoki ditugun mugak haustea eta kultur ezaugarriak giro alai eta jator batetan bat egitea izan da, betidanik, helburua. Ekintza ezberdinez horniturik (rugbi partidoa, bertsolariak, kantaldiak, dantzariak,...) bazkari handi eta eder batez amaitzen dugu. Urtetik urtera beste ekintzak bezala, "aberasgarriagoa" aurkitzen dugu hau ere. Aurten Baiona ondoko den Hiriburuko elkartearekin bigarren adiskidetasun urtea ospatuko dugu.

Beste igandeari dagokionez, Eskulangintzaren Erakusketa izaten ohi da. Hasera batetan, gehienak kanpotarrak baziren ere, ahal den herritan gehienek parte hartzea dugu helburu. Hau lortzen ari gara, Leitzeko artesauak gero eta gehiago izatea. Iaz hamaibost gauza ezberdinak eskeini zizkiguten. Aurten ziur gaude gehiago izanen direla. Esperientzi honek, Herri batek zer nolako

posibilitate eskeini lezakeen erakutsi digu garbi. Hemen aipatu gabe ezin utzi, parte hartzen duten askoren gogoa eta saiakera. Urtetik urtera gauza berriak prestatzen saiatzen dira beste batzuk ere. Txalogarria benetan.

Aste barruko ekintzetan sartuz, egun bakoitzak bere ezaugarria baduela esan beharra dago. Astelehenean, ingurugiroari, Naturari eskeintzen saiatzen gara. Astearte eta ostegunetan eguneko gaiak ikuttu nahi ditugu. Honetarako mahai ingurua edo hitzaldi bat antolatzen da. Asteazkenetan filma saioa, zinea edukiz pena da hain gutxi erabiltzea eta hementxe dago aukera txikia. Ostiralean, entzuteko musika hain zuzen ere. Ez dezagun pentsa pertsona helduei bakarrik zuzenduta dagoela, horregatik umeei oso zati berezia eskeini nahi diegu eta horretan ahalegintzen gara. Astez filma saio bat eta larunbatetan joku eta antzerki emanaldiak.

Astearen zehar liburu eta disken

erakusketa eratzen da. Honek beste arloetan bezala urtearen zehar bertan izateko posibilitate bat ere hurbiltzen digu.

"Kultur Astea" urtearen zehar zabalitzea izan da beti horrelako momentuetan dugun helburua. Hau gauzatzeko denok jakin badakigu, gogoa, jendea eta diru laguntza behar izaten dela. Orain arte honetaz gutxi egin bada ere, asmoak ez zaizkigu falta. Beraz zergaitik ez?

Hau idatzi dugun momentuan aurtengo egitaraua zehazterik ez dugu izan baina, Ekainaren 3an hasita hilaren 11 bitartean ospatuko den astearen berriak bidaliko dizkizuegu. Anima zaitetz bertan parte hartuz!!!!

LEITZEKO KULTUR TALDEA

SARA



1989ko ekainaren 25ean, lehen aldikotz, AXURIA Sarako mendizale elkarteak, "SARAKO ITZULIA" izeneko ibilaldia antolatu du bertze 5 elkarteren laguntzarekin: kirol mailan; SARAKO IZARRA Rugby; SARAKO IZARRA Pilota; SARAKO INDARRA. Kultur mailan; ZAZPIAK BAT dantza eta OLAIN.

Hunen ondoren AXURIAK zabaldu gutuna agertzen dautzuegu:

"40 bat kilometroko ibilaldia da Sararen inguruan. Ez dugu nahi izan neholako konpetizione zentzurik izaitea ibilaldi honen, eta hortakotz behititu ezin den denbora minimoa eman dugu, ahal den jende guztiak parte hartzeko gisan. Halere bidea as-

ki luzea izanik, ibiltariak behar lukete ongisko zailduak izan dadien, gehienezko denbora ere finkatu dugu. Beraz: GUTIEÑEZ 9 OREN ETA GEHIÑEZ 11 OREN ET'ERDI.

Izen emaitzak beharrezkoak dira, eta afixetan eta paperetan ezarritako tokietan egin behar dira, berantenez, ASTEARTEZ EKAINAREN 20rako. Egun hortatik aintzina, Saran berean egiten ahal dira LARUNBATA arte (24.06).

Ibiltari bakoitzak ABIATZEKO TENOREA MARKATUA IZANEN DU KONTROL-TXARTELEAN; txartela izen emaiterakoan emana izanen zaio. Abiatzeko tenorea errespetatu behar da.

Abiatzeak, bakarka ala multxoka izanen dira, 6 eta 8ak artean SANTINAZIO LEPOTIK (Sara eta Azkainen artean). Abiatzera-koan eta kontrol-gunetan txartelak behar dira baliatu.

KONTROL-GUNETAN ura, sukrea, etabar izanen da... Gurutze Gorriak segurtatuko ditu araberezko laguntzak, eta ibilaldia utzi gogo dutenentzat ere beribilak izanen dira. Kontrol-gunetara ibiltarien lagunak etortzen ahal dira. Hortakotz toki horiek markatuak izanen dira.

Norberak bere jatekoak eta eremanen ditu. Bainan ibiltarien lagunak ekartzen ahal di jatekoak kontrol-gunetara. Bertzalde kontrol-guneak benta eta salte-

gi batzuek ondoan aurkituko dira eta bertan erosteko erreztasuna izanen dute ibiltariak, puskak gainean ereman beharrez.

Arribadak arratsaldeko 3etatik 7 t'erdietaraino izanen dira. Santinazion. Ibilaldia burutu duen ibiltari bakoitzak (ahalaz eman denboratan barne) agiri bat, SARAko ITZULIAren oroitarri, eskuratuko du.

Arratsean, 8etatik landa Sara-ko Plazan ERROMERIA izanen da eta urririk den zozketa bat. IBILTARIEN KONTROL-TXARTELAREN ZENBAKIA ZOZKETARAKO BALIAGARRIA DA. EZ BERAZ TXARTELA GAL ZOZKETAKO SARIAK BILTZERIK NAHI BADA.

Horra, IBILTARI ADISKIDEAK, zer dugun antolatu zuentzat. Etor zaitezte multzo handian

egun horren gurekin pasatzerat. Egun hori izan dadiela ederra ibilaldia ongi egin eta Sarako inguruetak bixta paregabeak goza ditzagun".

Orain aipatuko dugu nundik norra den ibilaldi hori.

"Lehenbiziko orenean Santinaziotik (169m) Atekeleunerat (723m) iganen gara. Hortarako trenbidearen ondoko xendra hartuko dugu. Atekaleunetik Mahain Harrira (Lizuniagako lepoaren azpian) (158m). Hemendik iganen gara 40. mugarriraino (605m) Ibanteliren gibelean, gero Lizarrrietako lepora (441m) lehen kontrol-gunera heltzeko. Gainez gain bide zabal harriztatu zein belartsu batez Munoenborda (489) (kartan Aynatarbe), Sarako azken etxeraino, Atxuriaren bertzal-

dean.

Hemendik Sarako Lezera jautsi-ko gara. Harriztatu bide batek Berrouet bentaraino eremanen gaitu. Bigarren KONTROL-GUNEA. Bentatik bentara Cherchebruit (32m) deitu tokiraino, Hirugarren KONTROL-GUNEA. Gazteluratu-igan (237m) (Redoute Luis XIV kartan), Legurekoborda (211m) eta azken zatia itzuliaren burutzeko. Horrela egin dugu Sarako Itzulua".

Ekainaren 20 arte, zure izena ematen ahal duzue helbide huntara.

Herriko etxeko edantegirat SARAN. (Mitxel); tel: 59.54.25.19. (arratsaldez).

Ttapi-Ttapa Aldizkaria
Alondiga Beheko Plaza
31770 LESAKA



HARPIDEDUN IZAN ZAITEZ!

IZEN DEITURAK _____
HELBIDEA _____
TELEFONOA _____
HERRIA _____
PROBINTZIA _____
BANKU EDO AURREZKI KUTXA _____
SUKURTSALA _____
ZENBAKIA _____

SINADURA

URTERAKO HARPIDETZA 1.000 PZTA.

ETA ZU ?

* TTIPI-TTAPA, TTAPA-TTAPA, TAKA-TAKA, TTAKA-TTAKA: denak berdintsuak: pauso ttikian ari garenean.

* KILIKI-KALAKA : kotxe zaharretan ateak sobera finki ez direnean.

* TIRRIKI-TARRAKA : zerbaite zakarki, torpe, eta motel egitea.

* FIRIRIN-FIRIRIN : finki, aise eta ongi josten ari garenean.

* TRIPUS-TRAPUS : zakarki eta nolanahika zerbaite egitea.

* ZIRRIZTI-ZARRAZTA : isatsa edo erratzarekin etxeko atea garbitzen.

* RIKITI-RAKA (RIKI-RAKA) : lanak berehala bukatu nahi ditugunean, nahiz eta emaitza ez beti ona izan.

* PLISTI-PLASTA : umeak putzuan gustura jostetan ari direnean.

* ZIPI-ZAPA : hau ere, ttikiak ginerarik ipurdian seguraski ematen zizkiguten maiz.

* ZIZTITI-ZAZTA (ZIZTI-ZAZTA) : orratzarekin xixtatzean, edo baita ere mendian elorriak ezin moztu ibilki garenean.

* ZIKITI-ZAKA (ZIKI-ZAKA) : zangoak logitan edo eskuak oretan ditugu.

* DRANKA-DRANKA : ur tragoa gustura edaten ari gara.

* TRAKATAN-TRAKATAN : zaldiak, mandoak, edo astoak trostan dabiltzanean.

* TIPITI-TAPA (TIPI-TAPA) : ibiltzen dire batzuk haserre bizian muturjoka ezker eta eskuin.

* BOR-BOR, PIL-PIL : ura edo antzeko ixurkinaren baten irakina.



Geroztik aunitzetan joan izan naiz, batez ere udazkenean eta udan. Udazkenean gorostiak eta gurbitzak beren fruitu gorri hori ateratzen zutelako eta bertan dauden goroldioak ongi ikusi ahal izateko. Udan Endara erreka goitik hartu eta Endarlazaraino barrendik jeisteko. Hori bai, ongi ikasi nuen harat ezin nuela edozein lagun eramane, bertzela dagoeneko jende aunitzek ezagutuko zuten eta.

Inguru hau jendeak ez zuelako ezagutzen (ehiztari batzuk, ondoko baserrietakoek eta mendizale batzuk salbu) alde batetik, eta bestetik biderik ez dagoelako eta han ibiltzea abentura bihurtzen delako, toki hau garbi eta degradatu gabe mantendu da.

Martxoan, auzoko eta lagun dudanaren eskutitza irakurri nuen egunkarietan. Endara erreka harri pila bota dutela zioen. Garai batean oso polita izandako Irungo auzo batean hazi ginelako eta gure auzo hori pixkanaka degradatzen ikusi dugulako, autopista zela, ur depositua eta hodiak zirela, orain gas naturalen hodiak, kezka berezi bat sortu digu auzo inguruko mendiak dauden bezala kontserbatzeak.

San Antoneko urtegiaren proiektua onartu zenetik, jakin genuen berriro ere hodiak gure auzotik pasatuko zirela eta aspaldi ukitu gabeko menditik pasatuko zituztela. Aspaldi diot zeren lehendik Domiko urtegitik etortzen den ura kanale batetik joaten da Irunera. Garai hartan, honelako obrak egiteko medio guttiago zituzten eta ez zuten mendia ia hondatu. Gaur egun aldiz eskabadora haundi horiek erabiltzen dituzte pistak ideki-



tzeko eta hodiak eta beste gainontzeko materiala kamioiz eramaten dute; ez lehen bezala, mandoz.

Honelako paja bota ondoren Lesakako jendeari Endaratik bueltatxo bat ematea eskatuko nioke, nahiz eta Endara beste aldean jaioa izan Bortzirietako Herri batean bizi naiz eta nik inguru hau maitatzen dudane bezala denak maitatzea nahi nuke. Endara erreka muga egiten du Irun eta Lesaka artean; muga guzien gainetik defenda dezagun Endara, bere amurriak, izokiak, landareak eta bertze gainontzeko animaliak.



BASERRIAREN OSAGARRIA

Eusko Jaurlaritzak eta Diputazioak, Nekazaritzaz eta Arrantzuaz aldizkari bat argitaratzen dute, Sustrai izenekoa. Honetan, Bruselas-etik Francisco Miramon, EHNEKOKo ordezkariak nekazalturismoaz artikulua interesgarri bat idatzi du. Hortik ateratako informazioaz osatzen da artikulua hau.

Azken bolara honetan Nafarroako Gobernuak Baztan-Bidasoa turismo inguru gisa bultzatu nahi du, eta aunitzetan zer izanen ote den hori pentsatu dugu seguraski.

Europako Ekonomi Elkartek, mendialdeko nekazarien diru iturriak haunditzeko bultzatzen duen formula berria da Nekazalturismoa

E.E.E.ko 797/85 arautegiak nekazal esplotazioetan turismorako inbertsioen laguntzak kontutan hartzen ditu. Filosofi hau orain da gutti Eusko Jaurlaritzak zabaldu duen dekretuan hartzen da: nekazaritzak, turismoak eta eskulangintzak batera lagunduko lukete baserriko bizitzaren kalitatea hobetzea.

Herri ttikietako turismoa eta
nekazalturismoa

Herri ttikietako turismoa eta nekazalturismoa aunitzetan nahastu egiten dira. Europako Komunitateen batzordearentzat, herri ttikietako turismoa ez da baserrietan egiten den turismoa edo nekazalturismoa bakarrik, herri ttikietan egiten den beste edozein turismo aktibitate baizik. Nekazalturismo hitza baserriarrak eskeintzen duen lo-riteko gela edo pentsiorako soineko erabiltzen da.

Nekazalturismoak, arrakasta edukitzekotan, herri ttikietako turismoak ez bezalako zerbait eskeini behar du; beraz, baserrietako turismo honek inguruarekin eta familiarekin zer ikusia duen zerbait eman beharko luke, hots, harreman pertsonalagoa, bertako bizimoduari dagozkion ezagupenak, ohizko turismoaren irudia hautsiko duen zerbait.





erran behar da herri ttikietako turismoak ez duela nekazalturismoa ukatzen, alderantziz, bata bestea gabe ezin du bizi. "Nekazal munduaren etorkizuna" izeneko Europako Elkartearen txostenean honela dio: "nekazal munduan turismoa sartzeko egin diren saiakeretan, turismo honen arrakasta oso loturik dago herri, baserri edo inguruko infraestrukturarekin (piztzeak, golf zelaiak, tenis pistak) edo zerbitzuekin (zaldi ibilbideak, jatetxeak, aholkatutako ikustaldiak)".

Inguru ruraletan turismoak daukan garrantziaz

E.E.E.ko estatistikek diotenez Europako turisten % 25ak inguru rurala aukeratzen du bere oporrak igarotzeko. Honek adierazten du partaide diren Estatuaren interesa turismo mota hau bultzatzeko. Eskari honi erantzuteko infraestruktura eta zerbitzuak beharko lirateke eta bidenabar inguru rurala mantentzeko mesegarria litzateke. Honelako turismoak rentabilizatuko luke, hau da, gorde eta berrerrai- kiko luke etxeetako patrimonioa (historikoa, arkitektonikoa, kul-

turala) gaur egun hondatzeko edo galtzeko arriskuan dagoena. Intere- sa bertze aldetik Naturarekin kontaktuan egoteko dagoen eskari honi erantzutea da, inguruko erre- kurtso arkitektoniko, folkloriko, kultural eta elikadurarekikoekin batera. Honi erantsi behar zaio, honelako plan baten sorrerak lan- postu alternatiboak edo osagarriak ekar ditzakeela.

Nekazal elkartearen papera

Europako nekazal elkarteek ongi ulertu dute nekazalturismoaren garrantzia eta garai batetan itsas turismoarekin gertatu zen bezala gerta ez dadin lanean hasi dira turismo mota hau kontrolatzen. Nekazariantzat ona eta ez kaltega- rria, natur ingurua gordetzea eta etekinak benetan baserrian geldit- ztea ahalbideratuko duen turismoa izan behar du.

Hau dena Euskal Herrian aplika- tzea zaila izanen da, kontutuan harturik gure izaera, baina kanpo- tik soldatarik jasotzen ez dute- nentzat baliagarria izan daiteke.

BIERREKA

DONEZTEBEN

KULTUR ASTEA NOIZ?

Aurtengo Maiatzari egun gutti falta zaizkio eta oraindik ez dugu deus entzun aste kulturalari buruz. Akitu ote dira bertikoz lau urtez egin diren Doneztebeko aste kulturalak?

Egia erran ez ziren gauza haundia, baina aste horrek hala-ko nortasun kultural ttiki bat ematen zion herriari, haurren antzerkia zela eta, helduentzat ere, dantzak, hitzalditxoren bat ere tartean,...

Non dago aurten garai bateko EZPELURA taldea? Zer gertatu zaio? Ez al dago herri honetan bertze kultur asterik antolatze-ko inor? Edo... herriko bestak eta inauteak aski al dira?

Baina, Doneztebeko udaletxean ez al dago Kultura Sailarik bere zinegotzi eta guzi? Zer egiten du? Ah, bai, pelikula ederrak ekarri, kalitate onekoak. Liburu bat nahi duzula? Joan-joan zaitez Doneztebeko Kultur-Etxera, hor "Servicio de Préstamo Permanente" bait dago,... ai baina zertan ari ote nintzen, oraindik ez dago martxan eta, "usos múltiples" dela eta multiple horietan omen dabilta,... hainbertze uso multiple, eta ikusten dugu ni multilpe ni ná,...

Bertze herrietan ba omen da Kultura Koordinatzaile bat, soldataren erdia, noski! udaletxearen sakeletik, bertze erdia bertze bideetatik. Baina zer egiten du tipo horrek? Herriko talde eta kultur ekintzak koordinatu eta bultzatu. Ez al daki Doneztebek horrelako norbait-

hartzen, hutsune ttiki batzuk bete ahal izateko? Liburutegiko martxa, haurrentzako ekintzak, (batez ere udan),... Ziur egon inork eskatu gabe ez dela bera bakarrik etorriko!

Beno, eta gazteek zer? Zer pentsatzen dute? Nahikoa dute Bordatxo zentro kulturala bezala? Non sartzen zara gazte, Bordatxon? Ez dela hori dena, ez dela hori dena!

Hala ere beharrak ekartze omen du mugimendua eta hemen aspaldian gauzak gelditu xamar dauka. Hasi mugitzen, berandu izan baino lehenago. Herri honek duen kultur aberastasun pittin hori deustan geratuko bait da.

Bertze aldetik animo, segurrera bide honetan hasiak direnak, hara non, abeslari talde gazteak, eta bertze zenbait ixil-ixilean dabilena.

Herritar bat

BORTZIRIETAKO

ZABORTEGIA



Bortzirietako zabortegien arazoa egunkarietan plazaratu zenetik, gai honetaz txosten eta artikululu aunitz irakurri ondoren gauza bat dago garbi: inork ez daki zehatz-mehatz zer egiten ahal den zaborrarekin.

Hiru sistema daude gaur egun zaborren tratamendurako:

1. Zabortegi kontrolatuak.

Hau da orain arte erabili den sistemarik zabalduena. Herri guztietan badaude eta honen ondorioak ongi ezagutzen ditugu: lurraren kontaminazioa (batzutan errekena ere bai), usai txarra, urratoiak, intsektuak, keak, inguruko zuhaitzak plastikoz eta papez beteak egotea (haizeak eramateen bait ditu) eta abar luze bat, tokian tokikoa ikusi beharra.

Sistema honek daukan abantaila gero da, instalazio gutti behar dituela eta lekua aukeratuz gero erraz jartzen ahal dela.

Eta desabantailen artean aipatu toki haundia behar duela, herrietatik urrun, garraioa garestituz, eta birziklatzeko dauden hondakinak ez direla probetxatzen.

2. Erretzea.

Sistema hau errentagarri egiteko hondakin bolumen haundia behar da eta hondakin horien kalitateak ere badu zerikusirik errekin edo konbustible gastuarekin.

Sistema honek dituen abantailak hauek dira: leku gutti behar du eta herrietatik hurbilago jar daiteke.

Desabantailak, berriz, honako hauek: inbertsio haundia eskatzen du instalakuntzan eta eguneroko martxan, geldione eta aberiak gertatzen dira (kasu hauetan bertze sistema alternatiboa behar da), errekena (konbustiblea) behar du, ez du dena erretzen eta errautsari irtenbidea bilatu behar zaio. Kontaminaziorik egon ez dadin inbertsio haundia egin behar da.

Adibide gisa, aurrezten ahal den energia eta ingurugiroari egiten ahal zaion mesedea ikustearren, hona datu batzuk: tonelada bat paper pasta egiteko, 20 urteko 14 zuhaitz behar dira; bi tonelada plastiko egiteko, tonelada bat petrolio gordin; tonelada bat kobre egiteko, 7,5 barrika petrolio, eta tonelada bat beira egiteko tonelada erdi fuel-oil.

Desabantailak: zeharkako be-
rreskurapenerako inbertsio haundia
egin behar da hasieran; espezia-
listak behar dira; energia kostoa
haundia duenez, lehengaiaren kalitea
ona denean bakarrik konpent-
satzen du.

Gai honi buruz debate zabal bat eman beharko litzateke. Agintariek beti bezala sistemarik errentagarriena aukeratuko dute seguraski bertze faktoreak kontutan hartu gabe. Jendearen kontzientziazio eza dela eta, gure iritzia horretara bideratuko dute eta beraz, gure ondoan ditugun zinegotzi eta alkateei eskatu behar zaie gaia zabal dezaten eta hitzaldiak etabar antolatu, edota inguruko egoerari buruz IBAI enpresak egindako txostena argitaratu eta eztabaidarako bidea jar dezaten.

References



Mankomunitatea

D. Fennell (Irlandarra)




Lehenik eta behin, hizkuntz minorizatu baten kontestuan, arrunt zabaldurik dagoen siniskeria bat baztertu behar dugu. Hau da, Estatuko/Baskongadetako/Nafarroako Gobernuak, berek bakarririk edota kanpotik etorritako jakitun baten laguntzaz baliaturik, erabilera normala arriskutan duen hizkuntz minorizatu baten oker guztiak moldatu nahi izanzen dituztela eta hortarako dagoen denbora urrian, beharrezkoak diren neurriak eta bitartekoak hartuko dituztela. Zergatik?

Arrazoi sinple batengatik. Espainia bezalako Estatu Hedakor batean, lurralde osoan zehar (Nafarroa eta Baskongadak barne), boterea duen hizkuntz komunitateak, bertze hizkuntz komunitatea (euskalduna gure kasuan) hondatuz, deseginez eta suntsituz hedatzen bait du bere estatu organizazioa. Estatu antolaketa hori izan da, hain zuzen ere, Pirinoen bi aldetan hedatzen den euskal hiztunen komunitatea, oraingo egoera honetarat ekarri duena.

Horiek horrela, Estatu baten mende dagoen Hizkuntz Komunitate minorizatuak, auniztan sikiera beronen esistentzia ere ezagutu nahi ez denean, (Nafarroako kasua lekuko), ezin dezake bere egoera larriaren zuzentzea, noizbait eman dateken gobernu aldaketa baten baitan utzi, izan ere hori gertatzeko, lehen-lehenik Hizkuntz Komunitate horren trinkotzea funtsezko eta beharrezkoa baita.

Eta Hizkuntz Komunitatea trinkotzea, bere izaite-kontzientzia hartzea da, eta horri esker, men-deratzaileekiko duen indar harremana ere aldatzen hasiko da.

Hizkuntz kontzientziaz jaztea da hizkuntz komunitate batek duen premiarik funtsezkoena baldin eta bizirik segitu nahi badu, jakina.



Eta horixe da, hain zuzen ere, Bortzirietan, Bortzirietako Euskara Mankomunitatearekin lortzen ari dugun emaitzarik esperantzagarriena.

BORTZIRIETAKO EUSKARA MANKOMUNITATEA, HIZKUNTZ KONTZIENTZIAREN ISPILU?

Orainarte egindakoa aztertuz has gaitezke: 1987ko bukaeraldera, giza-sektore ezberdinetako hainbat



kolektibo eta pertsona elkarturik, (irakaskuntza, herri elkarteak, etabarrek), euskararen egoera une horretan zein zen aztertzeari ekin zioten, arazoaren larritasunaz kontzientzia kolektiboa hartuz. Handik sortuko zen, herritik, gero Bortzirietako Udalek babestu eta bultzatuko duten iniziatiba, hau da; Bortzirietako Euskara Batzordea eta bertako egoera sozio-linguistikoa zein den jakinez lanean hasi ahal izateko, SIADECORi agindutako azterketa eskaria.

Denborarekin, eztabaida sakontzen joan da eta Udalek hartutako bidea finkatzeko, Euskararen Mankomunitatea sortzeari ekin zaio; une honetan beronen Estatutuak Bortzirietako Udalek onartuak izaki, Nafarroako Gobernuak tramita ditzan prest daudelarik.

Bertzalde, urte honetan bertan funtzionatzen hasi ahal izateko, Bortzirietako Euskara Batzarreak aurkeztutako aurrekontua,

-9.270.000 pztatakoa-, onartu egin dute Udalek.

Horrela bada, hizkuntz normalizazio bidean eman beharreko lau pausoetatik hasierako biak emanak daude; hots, Lehenik egoeraren kontzientzia kolektiboa hartzea, lagungarri den analisisa eginez eta bigarrenik, Udal-administrazio mailan har daitezken bitarteko legalak jorratzen hastea.

Orain, normalizazioa egingarria egingen duten lege araudiak, -Euskararen Erabilpena Normaltzeko Udal Araudia-, egin eta indarrean jartzea geratzen zaigu; segidan Botere Politikoa -Udal mailakoa bederen- Hizkuntz Komunitatearen beharretara egokituz.

Oraindik aunitz falta zaigu, euskararen normalizazio osoa lortzeko Bortzirietan baina, arazoari aurpegia ematen hasiak gaude. Beraz, bide zuzenetik goaz.

Teleiko

İKASTAROK

Uda hurbil dugu eta urtero beza-
la, euskara ikasi, praktikatu
eta bidenabar ongi pasatu nahi
duenarentzat Bortzirietako eta Mal-
daerrekako AEK-k, bertze zentro ba-
tzuekin batera, hau da Arturo Cam-
pion AEK, Gasteizko AEK, e.a. bar-
netegi batzuk antolatu ditu. Erran
behar aurtengoan barnetegi guztiak
Nafarroan kokatu dituztela, Lei-
tzan, Lesakan, Iturenen eta Bida-
rrain (azken hau mugaren bertze al-
dean) hain zuzen ere.

Ikastaro hauek denbora ezberdinekoak izanen dira, hau da 4,3 edo 2 astetakoak eta toki bakoitzean maila ezberdinak izanen dira: Leitzan eta Lesakan 5,6,7 eta 8. Urratsak, Iturenen 2,3 eta 4. urratsak eta Bidarrain EGA.

Ikastaro gehienak Uztaila eta Abuztuan izanen badira ere Bida-rrain Iraila osoan jarraituko dute 5,6,7,8 urratsak emanez.

Ikastaro hauetan egunean 6 klase ordu emateaz gain bertze gauza batzu ere egiten dira; tailerrak, ateraldiak, kirolak e.a. . Bertze aldetik asteburuak ere antolatuak izaten dira (klaserik ematen ez bada ere)

Barnetegi hauetara joaten denak bertan zakua edo maindiriak ezik denetik izaten du: otordu guztiak,



literak, bideoa, e.a. e.a. .

Beraz denbora gutxin euskara
ikasi nahi duenarentzat aukera ezin
hobea eskeintzen zaio aurtengo udan
inguru honetan.

Eta informazio gehiago behar
 balu telefono honetara dei lezake
 Bortzirietako AEK 63 77 96 .

IRAINGO APAIZ

GAZTEAREN


KANTUTEGI ZAHARRA

Izen honekin argitaratu du Pamie-
la Argitaletxeak Patziku Peru-
rena leitzar gaztearen laugarren
liburua, iazko "Xalbador" lehiake-
tan saritua hain zuzen.

Irain herriko erortzear dagoen
ermita zaharrean aurkitutako esku-
izkribu baten jabe bezala aurkezten
zaigu idazlea oraingoan. Aspalditan
Iraingo apaiza izandakoaren eskuiz-
kribua. Beraz, honi leporatuko diz-
kio euskera gozo, atsegin, bigunez,
liburuan zehar aletuz doazkigun
poemak.

Ez da sistema hori erabiltzen
duen lehen aldia. Horrelako zerbait
ikusi ahal bait genuen Joannes Ira-
olaren bilduman eta beste hainbeste
Emily izeneko poema liburuan ere.
Zergatik "anonimoa izateko boronda-
tea, eta Felipe Juaristiren hitze-
tan beti- endemas borondate hori
bermatzeko ekintza etengabea"?


Sarreratik, poemak idazteko une-
an Patxirengan sortzen den trans-
formazioa da gehien harritzen gai-
tuen. Egunkarietan hain gogor,
garratz, zorrotz eta zurrin azal
ohi den inkisitoria, poemagile xa-
mur gozo, amotz eta biguna bihur-
tzen zaigu. Bakarrik Gau saileko
azken poeman, "Atzen gauean", "a-
rrazoi zaharrek mugatzen dute gure
bizitza astuna"... dioenean, igar-
dakiok protesta antzeko erdi ahul-
leria erdi kexatxo bat Iraingo a-
paizari.




Baina hiru ezaugarri nabarmendu-
ko genituzke batez ere lan honetan:
izadiaren ezaguera, irudimenaren
aberastasuna eta erritmo zentzu
lehergarria. Larogei inguru abere
izen eta hirurogeitik gorako landa-
re izen kontatu ditugu liburuan

Manidul
1988

Pattatta



Nork defendatuko ditu gure ikastola ttikiak?



Arrain haundiak ttikia jan». Erran zaharra. Baina gertae-
ra beti berria. Eta gaurko
arrain ttiki baten istorio larria
kontatuz natorkizue.

Herri ttikia, haur gutti. Herri
Euskalduna, euskaraz bizi nahi
eta bere ikastola ere antolatu
zuen. Ahalbideak eskasak direnez,
gela bakarra dauka, eskolaurreko
haurrentzat. Zenbat neke eta kez-
ka, ikastola ttiki horrengatik

jasanak! Ikastolaren Eguna, Ikastolaren sozioak, Batzordearen bilera, Batzarreak, diru bilketak, gurasoen eta euskaltzaleen ibilera, andereñoen saiaketa...

Ikastola ttiki horren inguruan, ikastola hori dela-ta, herriko euskal kontzientziaren berpiztearen bultzada: euskarazko klase "partikularrak" haurrentzat, eskoletan euskararen irakaskuntza sartzea, euskal kultur ekitaldiak Besta egunetan... Azkenaldian, eskoletako euskarazko irakaskuntzari babesa eman. Denak gauza "tikiak", ikastola ere ttikia denez, herria bera ere ttikia denez. Baina herriaren arabera, gauza "haundiak", ikastola ere herriaren arabera "haundia" den bezala.

Orain Nafarroako agintariek beren agindua aldarrikatu dute: "ikastola ttikiak Estatuaren eskoletan sar daitezela; 1990eko abuztuarako diru laguntza moztuko zaie". Eta gure ikastola ttikiak haur gutti dituenek, eta guraso gutti, eta diru iturri gutti, oihera egin du laguntza eske: "Nork defendatuko nau?". Eta bertze ikastolez oroitu da: "elkar zainduko dugu. Ikastola Elkarrekin defendatuko gaitu denak. Denok elkar defendatuko dugu". Pentsamendu horrek lasaitasunezko hatsaldia eragin dio. Eta bihotza esperantza berriz bete zaio.

Baina, gizaxoa! Gure ikastola ttikia ez zen erran zaharraz oroitzen: "arrain haundiak ttikia jan" Nola ez zara, bada ikastola haundiak ere badirela ohartu? Bildu zen Ikastola Elkarrekin, Batzordea, Batzarrea, Lehendakaritza Mahaia, denak bildu dira. Eta ia denek elkar defendatu nahi agertu dute, gehiengoak ikastola ttikiarena baita. Badira, ordea, haundiak ere, eta haundiak direnez gero, nahiz guttiago, arrazoi haundiak eman dituzte:



"Zer dira ba ikastola ttiki eta txar horiek, horiengatik gure diruak arriskatu ditzagun? Zer egiten dute, azken batean, ikastola ttiki horiek gure jendeak euskalduntzeko? zenbat euskaldun lortu dute?".

Eta haundien arrazoinamendu haundiagatik, Ikastola Elkarrekin ezin du ikastola ttikia defendatu. Ikastola Elkarrekin ikastola haundiak defendatzeko da. Eta kanpotik euskaltzaleek emandako sosa, ikastola haundien laguntzeko da. Eta kitto.

Eta ni, gero, pentsatzen egon naiz: Herri ttikiaren jendea ameslari hutsak ote gara? Pretenditzen ahal ote du herri ttiki batek bere ikastola, ttikia bedere, izatea? Zentzuzkoa ote da herri ttiki batek euskaldun nahi izatea, euskaraz bizi nahi izatea? Herri haundiei bakarrik dagokien eskubidea ote da hori? Erdaraz bizi beharra ote da, agian herri ttikiaren patua?

Nor defendatuko gaitu gu?

TXIPA



Hasieratik azkeneraino beheko talde hauek erosi eta korritu zituzten Km.ak:

JOSETXIKI

Gau iluna zen, goizeko bortzak aldean Joxetxikiren etxeko atean txirrina eta kolpeak aditu zirenean.

-Txirriiin, txirriiiin, txirriiiin !!, danba, danba, danba, danba !!!

-Zein da?, zein da? -Maritxuk, Joxetxikiren ama ate ondora hurbilduz ahots ikaratuaz erran zuen.

- Abran rápido, policia, policia...abran!

- Jaungoikoaren ama, polizia!, zer nahiko dute? Ene seme-alaba gaixoak, zer ez dieten eginen!, -pentsatu zuen bere baitan geletaruntz tristeki begiratzan zuen bi-tartean.

Han pasiloan zeuden denak, Migeltxo, Juan Joxe, Begotxu,... denak Joxetxiki ezik.

- Non dago Joxetxiki?, galde egin zien.

- Ohean gelditu da ama!, -erran zuen Migeltxok.

- Ez, ez leihotik atera da korrika eta presaka, neri besarkada bero bat eman ondoren. Nik ez nuen ateratzen utzi nahi, baina berak erran didanez hobe zuen zakur-
rren eskuetan erori baino. Eta azkenez zuretzako muxu bat aginduz gero, abiatu da iluntasunaren bidetik!, zuzendu zion Begoñak negarretan lehertu aurretik.

- Jainkoak lagun dezan!!

Maritxuk ez zuen esaldia bukatu, atea polizien kolpeen eraginez zarata haundiz erori zenean. Berehala lau muturbeltz sartu ziren etxe barrura bere armak agerian zituztelarik.

Familia sukaldean bildu zuten eta beraien arteko burua ematen zuena karraxika eta galdezka hasi zitzairen, Joxetxikiren faltak sortzen zien amorroa ezin ezkutatuz.

- ¿Dónde está Jose?, - contesten donde está Jose?




Inguru giroa

Bortzirietan

Lekua ezagutzen ez duen batek Bortziririak osatzen duen herriak paretsuak izanen direla pentsa dezake. Garai batean Lesakako fabrika oraindik ez zegoenean hala izanen zen. Herriak osatzen zituzten etxeak, elizen eta enparantzen inguruan eraikiak gutti izanen ziren, baserrietan aunitz bizi bait ziren.

Herri bakoitza kokapen berezia izateagatik desberdina zen baina itxuraz eskeintzen zuten estetika nahiko paretsua izango litzateke. Baina herri horietatik batean fabrika sortu zen; Beran ere koka zitekeen baina ez Igantzin, Etxalarren eta Arantzan, Lesakan baizik. Horren ondoriorik nabarmenena populazioaren hazkundera zen dudarik gabe. Bertze tokietatik lan egitera etorri zirenak bortzirietan jarri ziren herriak haunditzen, lanpostuaren ondoan bizi nahi zutelako, normala denez. Ondorio garrantzitsu honek, herrien hirigintza arautegia eskatzen zuen.

Etxe berriak eraiki dira herrien itxura aldatuz fabrikak dituztenak batez ere eta etxe modernoagoak eraiki, Igantzi, Bortzirietako herri txikiena eta Arantza gutti aldatu dira, egingdako eraiketak lehengoak bezalakoak egin direlako, hau da, le-



hengo etheen egitura tipikoa gu tti gora behera segituz. Lesaka eta Berako eraiketa aunitzekin ez da hori gertatzen. Inguruko mendietatik herri hauek begiratzzen baditugu, fabrikez konturatzzen gara berehala baina ez gara horretaz hariko lantegi bakar bat ere polita ez delako eta are guttiago herrian bertan kokatua baldin badago; etxe gehienak bi pisuetako altura izan arren gaur egun altuera gehiagoko eraiketak egitea ez baita libre, hiru, lau eta bost pisutako etxe bizitzak, kolore desberdinez pintatuak, batzu bertzeak baino zabalera haundiagokoak, ikus ditzakegu. Kontutan hartzen ez diren hainbertze gauzek, herrien itxura desagertzen da. Gero eta gehiago haunditzen direnean, herriak gehiago itsusten dira.

Herriak itzuraz sobera ez aldatzeko, etxe berriek eraikitzerakoan zenbait baldintza bete behar dute; orain arte egin direnek arautegia segitu izanen dute la suposatzen dut, baina (edo) arauak berritzen dira edo herrien singularertasuna galduko da.

Etxalarren berriz, azken eraiketa ezik, etxe bizitzen egitura mantentzen da. Etxe gehienak familia batekoak dira. Beti ari-tua izan dut etxe horietatik a-



Lesaka.

unitz gipuzkoarrenak direla, eta egia errateko, nahiz eta egia izan, herriari bai itxura polita jartzen diotela.

Bortziriak bertatik ateraz eta inguruetara ailegatuta, itxuraz, Etxalarko baserriak bezain ongi moldatuak ez direla aunitz aurkitzen erran dezake, gehienak berrituak eta zurituak bait daude.

ABERATSAK...


Aberatsak oilaskoa jaten dutenean egunero, Lurtoa zen.



Pobreak oilaskoa jaten dutenean egunero, markagarria da.

oilaskoa hormonez hazi

ez dago beztzerik



Aberatsak kotxea dutenean, harrigarria izaten zen.



Pobreak kotxea dutenean, asper-garria da.



Aberatsak hondartzara joaten zirenean, ikusgarria izaten zen.



Pobreak hondartzara joatean, inbasio bat da.



Aberatsak drogatzera ikusmina izaten zen.



Pobreak drogatzera joatean, gaitza nazionala da.




POBREAK




Aberatsak ez ibiltzen izaten zen



Pobreak ibiltzen aurrerakia



Aberatsak eskiatzen zutenan gozengarriz izaten zen



Pobreak beriz, denak multzoan



Aberatsak, aberatsak direnean, dotoreak dira



Pobreak aberasten direnean, hasterak dira.



Pobreak hilko nituzke, horrela ez ziguten gehiago Kopiatuko

Aberats guztiak hilko nituzke, horrela ez genituzke Kopiatuko



BERDIN JARRAITZEN DUGU



SUNBILLAN JOKATUTAKO KANPORAKETAN, ELIZAGOIEN NAGUSI.

Aurten, Nafarroako Bertsolari Txapelketa hiru kanporaketatan jokatu zen, Landibarre, Leitza eta Sunbilla-koak hain zuzen ere, lekuan lekuko bertsolariak bilduz. Gero, Baigorriko finalean, jakina denez, Ernest Alkatek eraman zuen txaloz eta txistuz hornituriko txapela, erabakia ez bait zen bat etorri jendearen iritziarekin, zeinak Arzallus, Mendiburu eta Ezpondaren artean zekusan irabazlea.

Aipatutako banaketaren ondorioz, Landibarreko saioan Iparraldeko bertsolariak bildu ziren, Leitza inguru hartakoak eta Sunbilla berriz Baztan-Malerreka-Bortzirietakoak. Hau onerako edo txarrerako izan zen zalantzan jartzekoa da guttienez. Arrazoi gisa azaldutako argudioetako batek, hizkeraren aldetiko zailtasunak saihestearren tokian tokikoak aritzeak, baitu bertze alderdia ere, noizbait batzuk bertzeen mintzairara ohitu beharko dugula alegia.


Bertzalde, mailari dagokionean, ikusi ahal izan zen Sunbillakoa gertatu zela apalena. Hala ere, aipagarria izan zen bertan Elizagoien eta Euxebio Fagoagak egindako lana.



Ernest Alkat



Mainolo Arozena



Txomin Ezponda



Finalean aritu ziren bertsolariak



9 Libera

175 Pzta.